

BIZAR LATZAKAZ MUSU

Sorginak elkartu eta akelarreak egiten dituzte. Behin, sorginak Josepateko Landan bilduta zeudela baten bat bertaratu omen zen haienera, eta zertan ari ziren ikusi: sorgin nagusiaren inguruan egiten zuten dantza. Artean, hau ipurdi gabeko aulki batean eserita zegoen. Lantzean, aulkiaren azpitik igarotzen ziren sorginak, eta muxu ematen zioten ipurdian.

Egun batean, herriko zapaterua joan omen zen bertara, zintzel bat hartuta, eta aulkipetik igarotakoan, zazt! Egin zion ipurdian sorgin nagusiari.

– Zauzea! Alto el baile! esan zuen sorgin nagusiak. Hemen baten batek bizarrak latzak ditu!

Bizardunen baten bila ibili ziren inguruan, baina han topatu ez! Zapateruak egunean bertan zeukan bizarra egina! Ederretik libratu zen!